

吾
學
錄
初
編

吾學錄初編卷十一

聖市真天宮御前觀覽者身和定無病處地方持事印信並願者吳榮光恭述

祀典門三

關帝廟

京師祭儀○通禮致祭
關帝之禮歲以春秋仲

月。諏吉。遣官一人將事。是日昧爽。廟祝潔埽殿宇。內外太常寺官具祝版。

謹案祝版制同文廟。

備器陳。

神位前。牛一。羊一。豕一。豢一。釧二。簠

簋各二。邊豆各十。鑪一。鐙二。殿中設一案。少西北向。供祝版。東設一案。陳禮神制帛一。色白。香盤一。尊一。爵三。牲陳於俎。帛實於筐。尊實酒。冪勺具。

謹案登鉶簋簋豆鑪鐙尊爵冪勺之制。均與

文廟同。惟邊筐異制。邊色黑。通高五寸八分。深九分。口徑五寸。足徑四寸。

五分。蓋高二寸一分。頂正圓。高五分。筐色黑。高三寸一分。縱四寸三分。橫二尺二寸三分。足高

八分。蓋高一寸三分。俎制。前殿與文廟正位同。後殿與

崇聖祠同。春秋祭品。均與文廟同。

和聲署設樂於西階上。

謹案樂用鼓一。笙一。管二。雲璈一。遂二。板一。樂章見會典不具載。

太常寺設洗於東階上。承祭官拜位在殿內正中。司祝司香司帛司爵典儀掌燎各以其職爲位。如常儀。質明承祭官朝服詣廟。贊引太常寺贊禮郎二人引承祭官由廟左門入。至東階上盥手畢。進殿東門詣拜位前立。典儀贊執事官各共迺職。贊禮郎贊就位。引承祭官就位立。典儀贊迎神樂作。贊禮郎贊詣上香位。引承祭官就香案前立。

贊上香。司香跪奉香。承祭官上炷香。三上辦香畢。
贊復位。引承祭官復位立。贊跪叩興。承祭官行三
跪九叩禮。興。典儀贊奠帛爵。行初獻禮。有司揭尊
罍勺。挹酒實爵。樂作。司帛奉篚。司爵奉爵。各進至
神位前。司帛跪奠篚於案。三叩興。司爵立獻
爵於案正中。各退。司祝詣祝案前跪。三叩興。奉祝
版跪案左。樂暫止。贊禮郎贊跪。承祭官跪。典儀贊
讀祝。司祝讀祝。辭曰。維某年月日。

皇帝遣某官某致祭於

忠義神武靈佑仁勇關聖

大帝之神曰

謹案道光八年

關帝神號加

封威顯二字

五月十三日祭及直省祭各祝文內照加二字

惟

神秀毓河山名垂今古英風正氣世歷久

而彌新大節純心史相傳而莫匹念神靈之顯著

命典禮以優隆茲當仲

春秋

用昭時饗尙其歆格鑒

此精虔尙

饗讀畢興以祝版跪安於篚內叩如

初興退贊禮卽贊叩興承祭官行三叩禮興典儀

贊行亞獻禮樂作司爵獻於左如初獻儀典儀贊

行終獻禮。樂作。司爵獻爵於右。如亞獻儀。典儀贊徹饌。樂作。有司徹畢。贊送神。贊禮郎贊跪叩

興。承祭官行三跪九叩禮。興。樂止。典儀贊奉祝帛饌送燎。有司奉祝帛香饌。以次送燎。如儀。贊望燎。贊禮郎引承祭官詣燎位。眡燎。禮畢。樂止。承祭官及執事官皆退。同日祭後殿。以太常寺卿一人將事。光昭公位中。裕昌公左。成忠公

右。均南向。位各異案。每案羊一。豕一。鉶二。簠簋各二。邊豆各八。鑪一。鐙二。殿中設案少西北向。供祝

版東西各設一案。分陳禮神制帛三。色白。香盤三。爵九。尊三。俎篚冪勺具。設洗於後垣門內甬道東。承祭官位殿檐下正中。司祝司香司帛司爵典儀掌燎各以其職爲位。如常儀。質明承祭官由前左門入後垣中門。盥手升階就位。迎神引詣正位前。上香畢。以次詣左右位前。上香復位。行二跪六叩禮。初獻讀祝如儀。祝辭曰。維某年月日。

皇帝遣某官某致祭於

關帝之

曾祖光昭公

祖裕昌公。

父成忠公。曰。惟

公盛德

相承。令儀足式。歷數傳之。積累遂鍾。河嶽精靈。儲曠代之威名。堪作巖廊矩矱。

殊恩既沛於三世。時饗宜錫於上公。茲當仲春秋用昭祀

事。豆籩致潔。典禮加隆。尙饗。凡儀節均與前殿

同。○歲五月旬有三日。致祭。關帝廟前殿。

神位前。陳牛一。羊一。豕一。果實五盤。鑪鐙具

謹案。果實五盤。用核桃荔枝龍眼紅棗栗。不設

籩豆。後殿同。

陳設及行禮儀節。與春秋祭同。祝辭曰。維某年月

日。

皇帝遣某官某致祭於

忠義神武靈佑仁勇闕聖

大帝之神曰惟

神純心取義亮節成仁允文

允武迺聖迺神功高當世德被生民兩儀正氣歷
代明禋英靈丕著封號聿新敬修歲事顯佑千春
尚饗同日並祭後殿太常寺卿一人行禮每案
羊一豕一果實五盤典儀不贊徹饌司爵以執事
生餘陳設及行禮儀節與春秋祭同祝辭曰維某
年月日

皇帝遣某官某致祭於

關帝之

曾祖光昭公

祖裕昌公

父成忠公曰。禮隆報祀。誼重

推恩。當崧生嶽降之期。溯本本水源之始。輝煌棟宇。憑依已妥於上公。修潔豆籩。將饗告虔於仲夏。惟神昭鑒。尙其格歆。

直省祭儀。○通禮直省府州縣。

關帝廟。歲均

以春秋仲月。及五月旬有三口致祭。

謹案

關帝又祭於山西解州故里。及湖北

當陽縣墓所。

前殿主祭以地方正官一人。後殿以丞史執事以禮生祭日陳設迎神上香奠獻讀祝送

神。眠燎禮儀並與

京師祭前後殿同。前殿祝辭曰。維某年日月某官某致祭於忠義神武靈佑仁勇闢聖大帝之神

曰。惟帝浩氣凌霄。丹心貫日。扶正統而彰信

義。威震九州。完大節以篤忠貞。名高三國。神

明如在。徧祠宇於寰區。靈應丕昭。薦馨香於歷代

屢徵異蹟。顯佑羣生。恭值仲春嘉辰。遵行祀典。筵

陳遵豆几奠牲醪。尙

饗。後殿祝辭曰。維某年月

日。某官某。致祭於

關帝之

曾祖光昭公

祖裕昌公。

父成忠公曰。惟

公世澤

貽庥。靈源積慶。德能昌後。篤生神武之英。善則歸
親。宜享尊崇之報。列上公之封爵。

錫命八隆。合三世之肇禋。典章明備。恭逢仲

春秋諏吉。祇

事薦馨。尙 饗。

謹案

帝廟之祀。載於典禮者甚鉅。乃市井

愚民。據三國演義。有所謂桃園結義之說。恒於

五月十三日。糾集多人。斂錢作會。拜異姓爲兄弟。至有酒酣生釁。辱詈叢毆。結拜之初。已成讎敵。揆諸出入相友之義。豈復如是。律載異姓結盟兄弟者。照謀叛未行律科罪。以人數多寡爲差。

文昌廟

京師祭儀○直省祭儀

京師祭儀

○通禮致祭

文昌之禮。歲以二月三

日。暨秋仲月。諏吉遣官一人將事。是日昧爽。廟祝潔埽殿宇內外。太常寺官具祝版。備器陳設。洗辨

位。和聲署設樂。均與

關帝廟同。質明承祭官

朝服詣廳。贊引太常寺贊禮郎二人。引承祭官由廟左門入。至東階上。盥手畢。引詣拜位前立。典儀贊執事官各司其事。贊禮郎贊就位。引承祭官就位立。典儀贊迎

神。樂作。贊禮郎贊詣上香位。

引承祭官入殿左門。就香案前立。贊上香。司香跪奉香。承祭官上炷香。三上辦香畢。贊復位。引承祭官復位立。贊跪叩。與承祭官行三跪九叩禮。興。典儀贊奠帛爵。行初獻禮。有司揭尊。冪勺。挹酒實爵。

樂作。司帛奉篚。司爵奉爵。各進至神位前。司帛跪奠篚於案。三叩興。司爵立獻爵於案正中。各退。司祝詣祝案前跪。三叩興。奉祝版跪案左。樂暫止。贊禮卽贊跪。承祭官跪。典儀贊讀祝。司祝讀祝。辭曰。維某年月日。

皇帝遣某官某致祭於

文昌帝君曰。惟

神蹟

著西潼樞環北極。六匡麗曜。協昌運之光華。累代垂靈。爲人文之主宰。扶正久彰。夫感應薦馨。宜致其尊崇。茲屆仲春秋。用昭時祀。尙其歆格。鑒此精虔。

三禮記卷之十一
讀畢興以祝版跪安於篚內叩如初興退贊禮郎
贊叩興承祭官行三叩禮興典儀贊行亞獻禮樂
作司爵獻爵於左如初獻儀興典儀贊行終獻禮樂
作司爵獻爵於右如亞獻儀興典儀贊徹饌樂作有
司徹饌贊送

神贊禮郎贊跪叩興承祭官行
三跪九叩禮興樂止典儀贊奉祝帛饌送燎有司
奉祝帛香饌以次送燎如儀贊望燎贊禮郎引承
祭官詣燎位望燎禮畢樂止承祭官及執事官皆
退同日祭後殿以太常寺卿一人將事殿正中奉

文昌帝君前代神位南向設案一陳羊一豕
一。鉶二。簋簋各二。籩豆各八。承祭官行二跪六叩
禮。初獻讀祝如儀。祝辭曰。維某年月日。

皇帝遣某官某致祭於

文昌帝君之

前代曰。

祭引先河之義。禮崇反本之思。矧夫世德彌光。延
賞斯及。祥鍾累代。炯列宿之精靈。化被千秋。爲人
文之主宰。是尊後殿。用答前庥。茲值仲春肅將時
事。用申告潔。神其格歆。尚饗。餘陳設器數。

及行禮儀節均與

關帝廟後殿同。

直省祭儀○通禮直省府州縣暨四川梓潼縣鳳凰山。文昌廟。歲均以春秋仲月。地方官躬詣致祭。陳設器數。行禮儀節。並與

京師祭文昌廟同。

謹案文昌之祀。其說有二。一以爲天神。大官書斗魁載匡六星。一上將。二次將。三貴相。四司命。五司中。六司祿。是爲文昌宮。文昌之稱始於此。一以爲人鬼。在周爲張仲。在漢爲張良。在晉爲涼王呂光。在五代爲蜀主孟昶。在姚秦之

世。又爲越雋人張惡子。立廟梓潼山。唐明皇西狩。追封左丞。僖宗入蜀。封順濟王。宋咸平中。改封英顯。元延初。加封輔元開化文昌司祿帝君。帝君之稱始於此。是二說也。雖不知孰爲可據。然旣列於祀典。卽爲聰明正直之神。習舉業。求科名者。敬之宜矣。乃有聯名結社。序列兄弟。以爲親厚者。夫兄弟以天合。朋友以人合。輔仁爲朋友之道。樹黨非君子所宜。友誼雖親。究與兄弟有別。今乃比而同之。謂重朋友乎。則視兄弟

者輕謂重兄弟以重朋友乎。則視朋友者又紊揆之於義均無所處。且顯違臥碑之禁矣。

禦災捍患諸神祠

通禮致祭直省所在專祠之禮直省禦災捍患諸神於民有功德者加

封號立專祠。○會典祭顯佑通濟昭靈効順廣利安

民惠孚金龍四大王。宋浙人謝緒於江蘓宿遷縣

及濱河各縣。

神行四讀書金龍山宋亡死節爲河神明封金龍四大王。國朝順治

三年

封昭靈効順。

封顯佑通濟康熙三十九年加

封廣利

安民嘉慶開加封惠手祭蜀漢丞相諸葛武侯亮於四

川成都府成都舊有武侯廟康熙十一年列祀典春秋致祭祭護國庇

民妙靈昭應宏仁普濟福佑羣生誠感咸孚顯神

贊順垂慈篤祐天后宋林氏女於福建福州府莆

田縣湄州及江蘇清口惠濟祠並濱海各縣始封神

靈惠夫人歷元明累封天妃國朝康熙十九年

封護國庇民妙靈昭應宏仁普濟天妃二

十三年加封天后乾隆二年加封

福佑羣生二十二年加封誠感咸孚五十

三年加封顯神贊順嘉慶五年加

封垂慈篤祐六年追封神父為積慶公母為積

慶夫人祭於莆田祭猛將軍元指揮劉承忠於

清口天后廟後殿

各省府州縣神能驅蝗。元亡自沈於河。世稱劉猛將軍。雍正二年奉旨廟祀。

祭英衛公吳大夫伍員於浙江錢塘縣為錢塘神歿。

江神。唐封廣惠侯。歷宋元明累封忠武英烈威德顯聖王。國朝雍正二年封今號。祭

誠應王吳越武肅王錢鏐於浙江臨安縣以雍正神

正二年封。祭靜安公宋張夏於浙江蕭山縣神

於宋景祐中護隄捍江歿封寧江侯。國朝雍正二年改封今號。祭江寧伯

明紹興府知府湯紹恩於浙江紹興府神創築三江口閘

民為立祠。國朝雍正二年封。祭寧漕公明工部尚書宋

禮及永濟之神老人白英於山東汶上縣始導神

汶濟運雍正四年

封今號乾隆三十年白

氏後裔一人三十八年宋氏後裔一人並

賞給八品頂戴世襲承祀祭敷澤興濟通祐王秦蜀守李冰

及其子承績廣惠英顯王二郎於四川灌縣神

治水有功蜀人稱為川主元封英烈昭惠靈顯仁佑王其子二郎神廟所在有之並雍正五年改

封祭保濟顯佑侯元戴繼元於浙江德清縣

路總管神以水死邑人祠之元封顯佑侯湖州祭英

佑驍騎將軍故海安營水師副將江起龍於廣東

徐聞縣海口神以雍正八年祭威顯靈佑王唐

睢陽守許遠於江蘇山陽縣高堰神以雍正九年

祭 顯佑安瀾寧漕助順之神。唐御史中丞張巡。

於江西浮梁縣。及江蘇丹徒清河二縣。時封威烈神於宋。

昭濟顯慶靈佑王。國朝雍正十二年封上四字。嘉慶八年加封下四字。祭。

靈佑襄濟顯惠王。偃師黃守才。於河南陳畱閿鄉。

及濱河各縣。神歿為河神。舊祀陳畱縣曲興集大王壇。雍正十二年建廟。賜。

名溥仁觀。乾隆三年封今號。四十五年祭於其後裔。賞給奉祀生一人。世傳勿替。祭。

彰靈衛漕之神。明宿遷張襄。於江蘇清河縣。明封。

隆四年神為勇南王。國朝乾祭 顯佑英濟廣福王。

蜀將武當。於廣西義寧縣。神隨諸葛武侯南征。乘漲溺死。宋封義寧侯。

累封英濟廣福王
隆八年加
封顯佑
國朝乾
祭
宣威布德康濟

雷神梁刺史陳文玉於廣東雷州府
神宋封威德

王明封雷司之神
封上四字六十年加
國朝乾隆十九年
封康濟二字祭

助順永寧佐安侯故河道總督義烏朱之錫於濱

河各縣
神康熙壬辰進士功著南豫二省
祭

烈彰恬顯之神元楊伯遠妻王氏於浙江蕭山縣

神以夫充里正值鹹水決隄官督築圩堰不就
受楚責神割股投水沙遂漲隄成名曰股隄歿

為西興江塘神嘉
慶元年
封祭
宣威助順靖遠侯宋楊瀨

及其弟
鎮遠侯
綏遠侯於湖南永綏廳兄弟神

吾學錄初編卷十一

亦與三

圭

三人禦苗有功。民為立廟。稱曰天王。

封。

祭崇

王師平苗著靈異。嘉慶二年。節惠利。蠲磯靈澤夫人。蜀漢孫夫人。於安徽蕪湖

縣。神以嘉慶二年。祭昭靈顯佑水府都君。明譚

某。於江蘇山陽縣。神涉洪澤湖。為盜害。遂為湖

封。祭靈感普濟之神。晉旌陽令許遜。於江西

南昌縣。神斬蛟除害。舊祀鐵柱宮。宋封神。祭

變元贊。運純陽。演正警化孚佑帝君。唐進士呂岩。

於江蘇清河縣。元封神。為演正警化孚佑。封。

謹案呂祖於嘉慶初年。改為直省通祀。惟祭品

不用牲牢

祭 廣濟孚順侯宋蔣崇仁及其弟 利濟孚惠

侯崇義 靈應孚佑侯崇信於浙江仁和縣兄弟神

三人宋咸淳初賜廟額曰廣福封孚順孚 祭 福
惠孚佑三侯嘉慶十一年加 封

應靈孝昭順純懿慧感夫人東漢孝女曹娥於浙

江會稽縣宋封 神為靈孝夫人政和淳祐及元

慶十三年加 祭 孚惠佑民天井潭神宋禮部郎

中劉揚祖於浙江慈谿縣神景定閒人嘉慶 祭

誠孚利濟之神明漕運總管陳道興於浙江義

烏縣神以嘉慶十年封祭顯應元將軍於江西都

昌縣之左蠡鎮神以嘉慶十五年封號祭佑民衍

澤太湖之神明浙人王天英於浙江湖州府及江

蘇蘇州府神長興縣安化區人著靈跡祭襄

靖普佑之神故虎門鎮副將張愉附祀於廣東徐

聞縣英佑驍騎將軍祠神以嘉慶十年○通禮祭

張桓侯飛趙將軍雲於山東曹縣昭靈普

潤神於陝西大荔縣昭靈普惠神敷佑康澤

靈應侯耿裕德於運河揚糧廳柔嘉康濟神於

山東鄒城縣 靈應鎮海威遠金華將軍曹杲於
浙江錢塘縣 敬義侯 尙義侯 秉義侯詹姓
三神於廣東翁源縣 孚惠侯晁說之 孚惠善
政靈德侯王元暉於浙江鄞縣 顯佑宣靈王周
雄於江西新城縣 昭應伯王光鼎於浙江建德
縣 靈佑伯周文煜於湖南黔陽縣。

謹案通禮增載 各神皆嘉慶十六年至道光
三年

封又湖南長沙縣有元人李育萬於至正元年尸解於

水渡河龍潭寺早禱輒應道光四年

勅封廣濟真人立廟致祀。

各府州縣致祭之禮。每歲春秋所在守土官具祝

文

各隨時撰擬

香帛羊一。豕一。尊一。爵三。陳設祠內。如

式。質明守土正官一人朝服詣祠行二跪六叩禮。

謹案 禦災捍患諸神祠載在祀典所以順民

情之趨向爲敷政之一端非以神道設教而惑
於巫覡禳祈之說也乃自秦人求仙粵人尙鬼
其流弊遂至於叢祠古樹野石殘碑不在祀典

之列者無不老少奔馳男女混雜彼僧尼廟祝
遂得造作浮詞謂偶爾之吉凶爲神靈之禍福
藉以誑騙香貨實爲人心風俗之害如江浙之
五通五顯青蛙神閩中兩粵之齊天大聖金花
夫人三界神湖南之黑神魁神等祠概宜禁絕
惟各學文武生之祀 文昌 關帝農工
商賈之祀 先農 先蠶 天后 真武
火神 城隍及 禦災捍患各神均爲例所
不禁誠能明於彰殛凜以鑒臨知福非詔可邀

則慶以善而積。庶不爲鄉巫野史所惑。而永荷神庥於無斁也。

歷代帝王陵寢

祭所○遣官祭告○所在專祭

祭所○會典祭

太昊伏羲氏陵於河南淮寧

縣祭

女媧氏陵於山西趙城縣祭

炎帝

神農氏陵於湖南鄱縣祭

黃帝軒轅氏陵於

陝西中部縣祭

少昊金天氏陵於山東曲阜

縣祭

帝顓頊高陽氏陵

帝嚳高辛氏陵

於河南滑縣祭

帝堯陶唐氏陵於山東濮州

祭 帝舜有虞氏陵於湖南寧遠縣祭 夏

禹王陵於浙江會稽縣祭 商湯王陵於山西

榮河縣。 中宗陵於河南內黃縣。 高宗陵

於西華縣祭 周文王陵。 武王陵。 成

王陵。 康王陵於陝西咸陽縣祭 漢高祖

陵於陝西涇陽縣。 文帝陵於咸寧縣。 宣

帝陵於長安縣祭 後漢光武帝陵於河南孟

津縣祭 北魏孝文帝陵於陝西富平縣祭

唐高祖陵於陝西三原縣 太宗陵於醴泉

縣。憲宗陵於蒲城縣。宣宗陵於涇陽縣。

祭。後周世宗陵於河南鄭州。祭。宋太祖

陵。太宗陵。真宗陵。仁宗陵於河南

鞏縣。祭。遼太祖陵於遼東廣寧縣。祭。金

太祖陵。世宗陵於順天房山縣。祭。元太

祖陵。世宗陵於順天宛平縣。祭。明太祖

陵於江蘇江寧縣。宣宗陵。孝宗陵於順

天昌平州。

謹案祭告之陵。凡三十九處。甘肅秦州亦有

太昊陵山東東平州亦有

帝堯陵江蘇

河南濱河各州縣皆有

禹廟均不與祭告

飭地方官春秋致祭又陝西郃陽縣亦有

高辛氏陵山西臨汾縣亦有

帝堯陵安邑

縣亦有

帝舜陵安徽亳州亦有

湯王

陵山西右玉縣亦有

北魏孝文帝陵均不

與祭告飭地方官一體防護凡陵祭皆用羊豕

各一惟

金太祖

世宗二陵祭用太牢

遣官致祭○

通禮直省所在

歷代帝王陵寢

逢

朝廷有大

慶典遣官分詣致祭凡祭皆就享殿行禮或因陵寢設壇惟元陵望祭

所在專祭○通禮直省所在帝王陵寢歲春秋仲月守土官一人致祭

名臣忠節諸專祠

通禮凡名臣忠節諸臣於直省建立專祠者歲以春秋諏吉致祭河道總督諡文襄靳輔河道總督

諡勤恪齊蘇勒大學士前河道總督嵇曾筠大學

士前兩江總督高斌合祠於江蘇清河縣

會事陳潢祠祀

靳輔祠

總督田文鏡祠於河南開封府湖廣辰常總

兵左都督徐勇祠於湖南廣西巡撫馬雄鎮撫蠻

滅寇將軍廣西巡撫傅宏烈祠於廣西閩浙總督

諡忠貞范承謨巡海道贈工部侍郎諡忠毅陳啟

泰福寧總兵吳萬福福州知府王之儀邵武知府

張瑞江西建昌知府高天爵建寧同知喻三畏邵

武同知高舉侯官知縣劉嘉猷龍溪知縣李塤福

州城守營千總廖有功祠於福建

嵇永仁王龍光
沈天成范承譜

祠祀范
承謨祠

雲貴總督甘文焜祠於雲南山西汾州知

府黃廷柏祠於山西駐藏都統贈一等伯傅清左

都御史贈一等伯拉布敦祠於西藏通司岡伊犁

將軍誠勇公班第叅贊大臣襄勤伯鄂容安祠於

伊犁西安將軍繼勇侯德楞泰祠於四川成都府

提督許世亨總兵張朝龍尙維昇祠於越南副將

韓自昌韓家業祠於甘肅武威縣浙江提督李長

庚祠於福建同安縣河南滑縣知縣強克捷祠於

陝西韓城及河南滑縣。

賢良祠

會典各省建立賢良祠於省城祀守土大吏有功德於民者歲以春秋致祭以羊一豕一果實五盤不用籩豆以知府主其祭行一跪三叩禮。

昭忠祠

通禮直省府城歲春秋仲月守土官祭本籍陣亡文武官及兵丁鄉勇於昭忠祠文三品或二品以上於

京師昭忠祠。祠祀外。其本籍仍一體入祠致祭。

謹案部頒祀典。嘉慶八年平定陝西湖北教匪。

湖南苗匪。奉

旨於各府縣建立昭忠祠。祀陣亡官員兵勇。官員照銜序
次設位正中。兵勇以五十名合一牌位。安設兩
旁。春秋致祭。

舉 人黃本驥編次

戶部郎中陳傳均 同校

吾學錄初編卷十終

詹事府主簿吳彌光

吾學錄初編卷十二

禮部奏為恭奉聖訓。勅諭。欽此。吳榮光恭述。

賓禮門

京官相見禮

敵體官相見○在京屬官見長官○京府屬官見長官

敵體官相見

○通禮

京官敵體相見之禮。賓及門

從者通名。聞人入告。主人肅衣冠。出迎於大門內。揖賓入。每門讓於賓。及階讓升。及門讓入。賓主皆北面再拜。興。主人爲賓正坐。西面。賓禮辭。主人固請。卒正坐。賓爲主人正坐。東面。亦如之。主人揖賓。

就坐執事者進茶賓受茶揖主人答揖飲茶敘語
畢賓告辭揖主人答揖賓降階主人降送及門賓
揖主人答揖賓辭送主人固請迺送賓於大門外
眠賓乘輿馬主人迺退尙書左都御史見大學士
儀亦如之賓降一等者主人趨正賓坐賓辭賓還
正主人坐辭亦如之餘儀同二品以下京堂官翰
詹科道見大學士主人迎於儀門內送出大門外
不眠乘輿馬科道見左都御史副都御史尙書儀
同五品以下至八品官見大學士主人迎於堂階

下賓就東階。主人導賓入。賓北面拜辭。三揖。主人東面答揖。賓趨正。主人坐。主人禮辭。固請。卒。正坐左。還告坐。揖。主人答揖。賓西面。主人東北面坐。旅則賓以次辭退。三揖如初。主人送於二門外。餘儀西面北上。辭退。三揖如初。主人送於二門外。餘儀同。翰詹科道見二三品官。如賓降一等禮。見四五品官。與閣部院寺監屬官相見。均與敵體相見儀同。有尊卑名分者。均各盡其尊卑之禮。

在京屬官見長官。○通禮。閣部院寺監屬官見其長官之禮。初見屬官。公服詣署。首領官引自東階。

升堂以銜名履歷呈於各長官坐案屬官以次向坐三揖長官避席答揖退若燕見至大門外下輿馬俟於門內闌人通名人見長官迎於階下詣廳事。廳事以南向爲率。屬官當楣北面三揖長官東面答揖序坐屬官東位西面。旅見則以次東西面。長官位於西南東北面命坐揖茶至揖凡屬官揖長官皆答揖啟事畢三揖如初辭出長官送於二門外屬官出大門稍遠乘輿馬見大學士儀同。

京府屬官見長官○通禮順天奉天府屬官相見

之禮。府尹與府丞奉天府尹與

盛京將軍均行敵體儀。治中通判見府尹。如直省司
道見督撫儀見府丞。如司道見學政儀屬下州縣
教職見府尹。如州縣見督撫儀見府丞。如見司道
儀見治中通判。如見府倅儀經歷以下官見府尹。
丞治中通判。如直省首領官見知府。府倅儀奉天
府屬知府見府尹。如直省知府見督撫儀見府丞。
如見學政儀。府州縣見

盛京五部侍郎。如見府尹儀。

外官相見禮

敵體官相見○司道以下官見河道總督等官○文屬見長官○武屬見

長官○文武官相見○滿漢官相見

敵體官相見○通禮直省官敵體相見之禮賓至

署從者通名門吏啟門儀衛止儀門外賓由中門入至外堂檐下下輿馬主人迎於檐前揖賓入每門讓於賓及廳事各再拜興主人爲賓正坐西面賓禮辭主人固請卒正坐賓爲主人正坐東面亦如之主人揖賓就位坐執事者進茶主賓各揖飲茶敘語畢賓避席揖辭退主人答揖賓出主人送

至外堂檐下。眡乘輿馬迺退。總督河道總督漕運
總督與巡撫相見。總督巡撫與學政鹽政織造

欽差官相見。織造與督撫司道運司相見。關監督與司

道府廳相見。若係三品以上京堂職銜者與督撫

提鎮相見。並同

兼銜或武職三品以上者不在此例

直隸州知州與

知府直隸州州同州判與府同知通判知縣與府

首領州同州判相見均同。兩司首領官與府廳州

縣相見。用名柬。由中門入。惟照磨知事見府廳名

柬。用晚生。由左門入。皆行賓主禮。同知通判見知

府名東用晚生。由中門入。行賓主禮。州縣佐貳見州縣如之。教職見州縣。名東用晚生。由中門入。行賓主禮。提督與總兵官相見。總兵官與非所屬之副將相見。叅將與副將。游擊與非本轄之副將。游擊與叅將。都司與非本轄之叅將。游擊。都司與守備。千總與把總。相見均與文職敵體相見儀同。司道以下官見河道總督等官。○通禮直省司道以下官見河道總督。漕運總督如見督撫。儀司道見學政。具銜名東。儀門外下輿。由中門入。學政迎。

於堂檐下。司道三揖。學政讓入後堂。行賓主禮。待茶。辭出。二揖。學政送至堂檐下。三揖。由中門步出。學政用名東答拜。凡司道揖。學政皆答揖。知府直隸州知州同知通判見學政。不稟叅。送至堂後屏外。餘與見督撫同。州縣見學政。初見。庭叅。常見三揖。學政咸避席答揖。送至堂後屏內。教職見學政。初見。再拜。常見三揖。學政立受。餘與州縣同。首領佐貳雜職官見學政。與見督撫同。若學政爲三品以上大臣。司道以下官謁見。與見督撫儀同。司道

以下官見鹽政巡視御史及

欽差官均與見學政儀同府廳州縣見織造大門外下
輿馬由左門入餘儀同。

文屬見長官○通禮直省文屬見長官之禮初見
具銜名履歷公服詣署司道見督撫至大門外降
輿入及儀門由左門入督撫迎於外堂後屏內督
撫先行司道隨入及廳事司道當楣北面稟叅督
撫辭迺三揖督撫西面答揖督撫正坐司道東旁
侍坐旅見則以命坐揖茶至揖凡司道揖督撫均
次東西面

答揖辭出。三揖如初。督撫送至屏門外。司道三揖。俟督撫入門。復三揖趨出。至大門外。乘輿督撫次。日用名柬答拜。若公事謁見。常服通街名。三揖就坐。餘如前儀。知府見督撫。督撫不迎送。不答拜。餘如司道見儀。同知通判見督撫。轅門外下輿馬。餘與知府見同州縣見督撫。轅門外下輿馬。升堂。北面再拜。興。三揖辭退。三揖。督撫皆立受。餘如府倅見儀。知府同知通判見司道。司迎送於屏門外。道迎送於堂檐下。坐次。知府等東位。西面。司道位於

西南東北面。餘如見督撫儀。司道用名柬各拜。州縣見司道。行庭叅禮。司道不迎送。餘如知府見儀。州縣見知府。迎送於屏門外。餘如見司道。儀見同知。通判迎送於堂檐下。餘儀同直隸州知州見長官。及接屬官。儀與知府同。直隸州州同。州判見長官。及接屬官。儀與州縣同。教職見督撫。司道知府等官。均如知縣見儀。首領佐雜官見督撫。司道知府。行一跪三叩禮。不揖不坐。府首領縣佐武等官。見同知。通判。如州縣見司道。儀雜職官見同知。通

判如見知府儀見知縣如州縣見知府儀運使鹽道見鹽政與司道見督撫儀同運同運副提舉運判見鹽政與府廳見督撫儀同運同運判見運使與府廳見司道儀同鹽運使司經歷知事大使等官見本轄長官與首領雜職官見長官同如鹽大使由科甲出身者見本轄長官與州縣同運司見督撫如司道儀運同如知府儀運副提舉運判如同知通判儀關監督所屬稽察稅務之府佐貳見監督如府廳見道儀河道總督漕運總督所屬官

見長官。均如文武屬官見長官儀。督撫新蒞任。司道遣役迎於境內。府州縣官於所治十里內躬迎。十里以外。不出迎。司道以下官蒞任。屬官準此。

武屬見長官。○通禮直省武屬見長官之禮。初見具銜名履歷。披執副將見提督。轅門外下馬。門吏稟白。傳命免披執。易公服。佩刀由左門入。升堂北面稟叅。辭三揖。提督西面答揖。坐次。提督正坐。副將侍坐。茶畢。辭退。三揖如初。提督送至階下。常見不披執。仍佩刀。餘儀同。見本鎮總兵官。迎於堂後。

屏內送至屏外。坐次副將東位。西面總兵官位。西南東北面。餘如見提督儀。凡副將指總兵官皆平立答揖。叅將游擊見提督行一跪三叩禮畢。三揖提督起立答揖。坐待茶畢。辭退揖如初。提督起立不送。餘如副將見儀。見總兵官如副將見提督儀。見本鎮總兵官如見提督儀。游擊見本轄副將副將出位送。餘如見總兵儀。都司守備見提督披執。北面跪自宣銜名。三叩。提督坐受。命坐。西面席地坐。不設茶。辭出。三叩。趨退。提督不起立。公事謁見。

常服佩刀。不宣銜名。餘儀同。見總兵官。旁坐侍茶。餘如見提督儀。見本轄副將。不宣銜名。凡揖皆起立。答揖。餘如見總兵儀。若非本轄。則如游擊儀。見本轄叅將游擊。初見行庭。叅禮。常見三揖。叅將游擊僉坐。都司守備旁坐。茶畢。三揖辭出。叅將游擊出位送。凡揖皆答。餘如見副將儀。若非本轄。守備稟叅辭。迺三揖。叅將游擊答揖。趨出。送至屏內。干總把總見提督。總兵副將叅將游擊皆不坐。餘如守備見提督儀。千總見本轄都司守備。初見行庭。

叅禮都司守備答揖常見一揖就坐都司守備正坐千總旁坐茶畢趨出餘如守備見游擊儀若非本轄稟叅辭迺三揖皆答揖茶畢趨出送至屏外把總見都司守備初見三叩答揖常見一揖旁坐茶畢趨出都司守備起立不送餘如見游擊儀。

文武官相見○通禮直省文武官相見之禮提督見總督由中門入至儀門下馬總督迎於大堂檐下揖讓入升堂三揖總督正坐提督僉坐若提督兼世職者總督東位西面提督西位東面辭出總

督送至堂檐下。既乘馬。總兵官見總督至儀門外下馬。總督迎送於階上。餘如司道見儀。總督答拜。皆於堂檐前下輿。總兵官迎送於儀門外。提督總兵官見巡撫。均行賓主禮。副將見總督於大門外下馬。由左門入。初見具銜名履歷。稟披執。傳命免易公服。佩刀。常見不披執。仍佩刀。均北面三叩興。西面侍立。茶畢。三揖退。初見巡撫。稟披執。傳命免。稟叅辭。迺三揖。常見三揖。巡撫正坐。副將旁坐。辭退。三揖。送至堂後屏內。副將見學政。巡漕鹽政具。

銜名於大門外下馬。由儀門入。均迎至月臺下。升堂。三揖。呈履歷。揖。東西坐。待茶。出入隨行。下堂。三揖。送至二門外。竢。回至公座旁。三揖出。答拜不用名。東。學政考試武生。將軍總督調取副將協領等官。監。馬步射。坐次。學政正坐。監射官僉坐。叅將游擊以下官見總督。行一跪三叩禮。叅將游擊見巡撫於大門外下馬。由左門入。侍坐。迎送至檐下。餘儀同。都司初見巡撫。披執進叅。出更衣入見。待茶。常見都司守備千總免披執。行全屬禮。分防標

下中軍守備掌印專城並道標中軍及各營中軍
守備見巡撫免披執。行全屬禮。不迎送。守禦所千
總衛千總見巡撫。行一跪三叩禮。副將叅將游擊
都司與司道府廳相見。行賓主禮。守備見司道。具
銜名於大門外下馬。由中門入。迎送至檐下。與府
廳相見。行賓主禮。千總與府廳相見。如之。兵備道
所屬都司以下。俱行屬官禮。廳官有稽察錢糧之
責者。其屯衛守備。行屬官禮。司道運使見提督於
儀門下。輿迎送於堂檐下。提督正坐。司道等官僉

坐提督答拜於儀門下馬迎送於儀門外見總兵官行賓主禮知府同知通判見提督大門外下輿馬由中門入迎送至檐下提督正坐知府同知通判侍坐見總兵官二門外下輿馬迎送至階上餘儀及總兵官答拜均如司道見提督儀州縣見提督總兵官大門外下輿馬見提督由左門入不迎送見總兵官由中門入迎送至檐下提督總兵官正坐州縣侍坐見副將如見總兵官儀免三揖與叅將游擊都司守備千總相見行賓主禮八九品

以下佐雜官見提督總兵官行一跪三叩禮總督按臨各鎮閱兵總兵官出迎於城外拱揖道右隨至演武場。俟總督升座總兵官升堂北面稟參辭向上三揖總督出座答揖總兵官旁坐閱武畢總督升輿總兵官於道旁揖送如來儀。

滿漢官相見○通禮直省滿洲官漢官相見之禮。鎮守將軍副都統與督撫提鎮相見行賓主禮。司道以下官見將軍與見總督儀同見副都統與見總兵官儀同府廳州縣見子爵如總兵官儀男爵。

如副將儀輕車都尉叅領如叅將儀騎都尉副叅
領如都司儀雲騎尉並五品官如守備儀協領叅
領見督撫與司道同佐領防禦等官見督撫與知
府同驍騎校見督撫與州縣同餘不相統屬者均
行賓主禮

謹案各省現行事例京官文三品以上及帶
日講起居注官銜與

內廷行走之翰林院編檢武總兵以上官奉

命出差或將軍督撫副都統提鎮學政關差鹽政

陞辭赴任。所過省分。該省之將軍督撫副都統提鎮學政關差鹽政及司道。均出郊恭請。

聖安畢。然後敘語。其入京則於告別時寄請。至主考出京。例有關防。若遇應請。

聖安之員。則於回京時寄請。

行文公式

會典在京各部院行文。宗人府用咨。呈宗人府行各部院用咨。六部都察院行順天府用劄。六部行太常寺太僕寺光祿寺鴻臚寺國子監。欽天監太

醫院寶泉寶源局各倉監督均用劄。其各衙門來文均用咨呈。都察院行六科用劄。六科行都察院用呈文。六部理藩院都察院內務府各旗都統步軍統領衙門相行文均用咨。通政司大理寺行文除各部院用咨外餘皆用移會。六科各道

內廷各館內閣典籍廳稽察房中書科等處與各部院寺監行文均用移會。軍機處用交片。各部院行五城司坊官大興宛平二縣用牌文。其行文外省各部院行各省總督巡撫都統將軍等衙門吏禮

二部行衍聖公。禮部行外裔各國。均用咨。來文亦用咨。六部都察院行奉天府尹。用劄。六部行布政使。按察使。城守尉。各關監督。各省鹽政。織造。禮部行各省學政。兵部行各省提督總兵。順天府尹行各省布政使。均用劄。凡用劄之衙門。來文皆用咨。呈。惟各省織造。鹽政。各關監督。於戶部。提督總兵。於兵部。均用呈文。布政使。護巡撫。篆行文六部。亦用咨。呈。六部行道府以下。均咨督撫轉飭。其有須徑行者。用牌文。其來文均用呈文。申文在京內閣。

及各府司寺監各科道各旗行文外省均由部院轉行軍機處行文督撫將軍用咨其來文用咨呈行文鹽政布政使按察使用劄其來文用呈步軍統領衙門行府廳州縣順天府尹行直隸布政使司以下均用牌文來文均用申文各省文衙門總督與巡撫平行用咨文督撫行司道以下司道行府廳以下府廳行知縣以下直隸州知州行所屬知縣以下州縣行雜職皆用牌其上行皆用申文知府行府佐貳州縣行州縣佐貳皆用關文府佐

貳行知府。州縣佐貳行。州縣各用牒呈。知府行直隸州知州。用墨筆照會。直隸州知州行。知府用牒呈。府廳州縣行。兩司首領。均用關文。兩司首領行。知府用牒呈。行廳州縣用關文。州縣行儒學用牒。儒學行州縣用牒呈。直隸州與非所屬之知縣。知縣與府首領。州同州判。州同州判與儒學皆平移。武衙門提督與總兵平行。提督行副將以下。總兵行叅將以下。副將行所轄游擊以下。叅將行所轄都司以下。叅將游擊行千總把總。都司行所轄千

總以下都司守備行把總皆用牌其上行皆用詳
文呈文總兵行兼轄副將用牌行非所轄之副將
用照會副將行總兵均用咨呈副將於非所轄之
都司守備用照會都司守備用呈文叅將游擊於
非所轄之守備用照會守備用咨呈都司守備於
非所轄之千總用照會千總用呈文副將於非所
轄之游擊用平關游擊用咨呈副將與叅將叅將
與游擊都司與守備千總與把總皆平行文武衙
門總督巡撫與提督巡撫與總兵司道與總兵兩

司與叅將游擊均平行。用咨文總督於總兵。提督於司道運司。總兵於府廳州縣皆用照會。其上行皆用咨呈。提督行府廳州縣巡撫行副將叅將游擊都司用劄付。行守備千總用牌票。府廳於提督用牒呈。州縣於提督副將叅將游擊都司守備千總於巡撫皆用申文。專城守備並道標各營中軍守備巡撫下行用劄付。司道下行用照會。其上行於巡撫用申文。於司道用牒呈。其與府廳州縣用平關。副將行州縣用照會。州縣於副將用牒呈。府

廳與叅將游擊府廳州縣與都司俱用平關司道
運司府廳與副將各道運司州縣與叅將游擊司
道運司與都司均用平關兵備道於所轄營都司
以下官行文如屬員例屯衛守備與同知通判平
行駐防鎮守將軍與督撫提鎮皆平行用咨文會
銜將軍在總督上若總督加兼銜在將軍上則將
軍在下文武各官上行將軍如督撫例駐防副都
統與督撫平行於非所屬之副將用照會副將用
咨呈司道府廳州縣與副都統上行下行俱如總

兵例烏里雅蘇台將軍喀什噶爾叅贊大臣與伊犁將軍俱用咨文。本處駐劄大臣及各省提督總兵與伊犁將軍均用咨呈。巴里坤領隊大臣行理事通判用牌。通判用申文。學政鹽政與督撫提鎮平行。用咨文。學政行兩司。仰司經歷抄文呈堂。兩司行學政。仰經歷轉呈。學政行道府廳州縣以下皆用牌。道於學政用呈文。府廳以下皆用申文。如學政係三品以上京堂官出差者。司道以下行文如督撫例。鹽政及巡察巡視御史於司道行文如

學政例鹽政於運司鹽道行文如督撫於司道例於運同運副提舉運判行文如督撫於府廳例鹽運使司經歷知事大使等官上行本管衙門如首領雜職上行例運同運判於運使文移往來如府廳於司道例織造與督撫司道運使俱用咨文於府廳州縣用牌檄府廳州縣用咨呈關監督係三品以上京堂職銜者與督撫以下行文如總兵例若兼銜或武職卽過三品仍如副將例經畧行文將軍督撫用照會於提督副都統用劄總兵以下

用牌將軍督撫行文經畧用咨呈提督副都統以下用申呈其官文書蓋印宗人府六部都察院通政司大理寺翰林院詹事府內務府理藩院太常寺光祿寺太僕寺鑾儀衛武備院上駟院奉宸苑順天府尹倉場侍郎等衙門。

盛京五部奉天府各省總督巡撫色用紫惟本章內用朱衍聖公同其餘文武各衙門皆用朱。

師弟子相見禮

國學師弟子相見○直省儒學師弟子相見○受業弟子見師長

國學師弟子相見○通禮國學生見國子師之禮

初見具名東。公服詣學國學首領官引自東階升堂。北面三揖。師立受。侍立於左。西面受教畢。三揖退。若燕見。通名。族召迺入。師迎於階上。弟子升階揖。師入門從入。北面再拜。師西面答揖。趨正師坐。師命坐。北面揖。師位於西南。東北面。弟子西面。旅見則以次東西列坐。北上茶至。揖請問。揖辭退。北面三揖。師皆答揖。師出送前行。弟子從。及二門外。弟子三揖。族師入。迺退。翰林院庶吉士見大學士及教習庶吉士。儀同。

直省儒學師弟子相見○通禮直省儒學弟子員見學師之禮與國子生見國學師儀同學政按臨次日釋奠學宮講學於明倫堂提調等官謁見如儀教職引學弟子員進見各三揖退立學弟子員出班講書竣行賞罰畢各退

受業弟子見師長○通禮受業弟子見師長之禮初見師未出先入設席正位竣於堂下師出召見迺奉贄入奠贄於席北面再拜師起答揖興謹問起居命之坐迺侍坐有問則起而對辭出三揖師

不送。常見侍坐。請業則起。請益則起。師有教。立聽。命坐。迺坐。師問更端。仍起而對。朝入一揖。暮出一揖。與同學弟子。均以齒序。

賓友相見禮

通禮士人敵禮相見之禮。賓及門。從者通名。主人出迎於大門外。揖入。及門。及階。揖如初。登堂。主賓均北面再拜。興。主人趨正賓坐。賓禮辭。主人卒正坐。左還賓正主人坐。亦如之。卽席。賓東位。西面。主人西位。東面。飲茶敘語畢。賓退。揖及階。及門。揖辭。

主人均答揖。迺送賓於大門外。揖如初。若見父之執友。與見尊長儀同。

卑幼見尊長禮

〔通禮〕卑幼見有服尊親之禮。及門從者通名。竢外次。尊長召入見。升階。北面再拜。尊長西面答揖。命坐。祇尊長坐次。侍坐於側。茶至。揖敘語畢。舉辭三揖。凡揖尊長皆答。出尊長不送。若尊長來見卑幼。迎送於大門外。行禮坐次如前儀。

謹案儀禮十七篇。其一日士相見。而不及公卿。

大夫。蓋相見之禮。所以明尊卑長幼之序。爲士者誠能於周旋揖讓進退應對之儀。講求有素。一旦置身通顯。其所以事長官接同僚者。舉而措之裕如矣。故相見及昏喪之禮。必自士始。所謂舉一以該百。操本以見末也。他如曲禮少儀諸記。於尊卑長幼言之甚詳。其大要亦以相見爲始。蓋士君子於相見之初。不致其敬。將居位並行。無所不至。固非所以事尊長。卽處交游。亦必相狎相優。而終至於相謗傲慢之風。囂競之

習皆爭鬪訟獄所由起要其始不能攝以威儀
所由致也

舉 人黃本驥編次

戶部郎中陳傳均 同校

詹事府主簿吳彌光

吾學錄初編卷十二終